



17. oktober 2022

Inatsisartut ingerlatsinermut maleruagassaasa § 37 imm. 1 tunngavigalugu Naalackersuisunut ukuningga apeqquteqaateqarpunga:

Naalackersuisunut apeqquteqaatit:

- 1. Napparsimasut qassit Danmarkimi nunanilu allani passunneqarnissaannut akiliukkallarneqarsimappat ukiuni tallimani kingullerni?**
 - a. Taakkunannga qassit passunneqarnertik akiliukkallarneqarsimanertillu naammassisimavaat, ukiut tallimat kingulliit iluanni, qaangiinissaannut nalilersorneqarsimanginnera pissutaalluni?
 - b. Taakkunannga qassit ukiut tallimat kingulliit iluanni akiliukkallarneqarnissamik itigartitaasimappat?
 - i. Itigartitaanerannut suut peqqutaanerpaasimappat?
- 2. Naalakesuisut aalajangersakkat malillugit tulleriissaarisarnermut ataatsimiititaliamit imaqarnilianik tigusaqarsimappat?**
 - a. Taamaassimappat, taakkununnga imaqarnilianut Naalackersuisut qanoq isummerpat?
- 3. Peqqinnissaqarfiup tulleriissaarisarnermut ataatsimiititaliaata atuuttumut nalunaarut allanngortinneqarnissaanik Naalackersuisut pilersaaruteqarpat?**
 - a. Aappiuppat, allannguutit sunik imaqassappat qaqugulu allanngortinneqarnissaa pilersaarutigineqarpa?
 - b. Naaggaappat, politikikkut tunngavigineqartunik tunngavilersorli, sunalu taamaaliunnginnermut peqqutaanersoq?
- 4. Naalackersuisut sammisamut soqutiginaatilinnik allanik paasissutissiisinnaappat?**

(Inatsisartunut ilaasortaq Anna Wangenheim, Demokraatit)

Tunngavilersuut

Nappaatit peruluutaasinnaasut qaqutigoortullu maani nunatsinni nakorsarneqarsinnaanngitsut ajoraluartumik takornartaanngillat. Ilisimavara, nalunaarummik peqartoq, peqqinnissaqarfimmi sulisunik piginnaatitsisumik, kikkut nakorsarneqassanersut inuunerlu sivitsorsarniarlugu nakorsarneqassanersut aaliangiinissaminnut.

Taanna inunnut ataasiakkaanut, ilaqttaannut qanigisaannullu sunniuteqartorujussuovoq. Ileqqorissaarnissamut isornaatsuunissamullu assigiinngitsunik akunnattoortitsisinnaavoq, sulisut inuit ataasiakkaat nakorsartinnissaannut isummertarnissaat, politikikkut naatsorsuutigisat tulleriissaarnerillu ersarinnikkaangata.



Taamaattumillu aamma nalilerpara, sulisut aaliangiisarnermi illersorneqarnissaminnik pisariaqartitsisut pissutigalugu, politikkerit innuttaasut naatsorsuutaannut pisariaqartumik akisussaaffimmik tiguisussaammata Peqqinnissaqarfiup pigisaanut, inuttut aningaasatigullu sinaakkusiunneqarsimasunut.

Illersuinissaq unaassaaq, nalilersuinerit akiliussigallarnerrillu ilisimasat aallaavigalugit pisassammata, politikikkullu imarisai ersarissumik Naalakkersuisumut akisussaasumut ingerlatinneqarlutik tigussaasumik isummerfigisassanngorlugit. Taamaangippat, innuttaasut nakorsarneqarnissamik naatsorsuutaat peqqissutsimut inatsit tunngavigalugu paasiuminaallissammata, sulisullu suliat imarisaanni politikikkut illersugaasinnaassanatik.

Peqqinnissaqarfimmi tulleriissaarisarnissamut ataatsimiititaliaq pillugu Namminersornerullutik Oqartussat nalunaarutaat nr. 31. 1. December 2006-imeersoq innersuussutigaaara¹.

Apeqqutima ullut suliffiusut qulit iluanni akineqarnissaat kissaatigaara.

¹ https://inatsisit.gl/Lov?rid=%7b049CC47F-D812-47BA-81F5-DB1B9D9CEE86%7d&sc_lang=kl-GL